

SENIDEAK. Herri askotan borobilean jarri eta kriseiluaren inguruan bildu dira



AMAIA ZABALO

Elkarretaratzeak nonahi presoek alde

Euskal presoek Euskal Herriratzea eskatzeko elkarretaratzeak egin zituzten herri askotan, atzo iluntzean. Senideak-Gureak elkarrekin deia erantzunez herriar ugari bildu zituzten. Donostian 350 lagun bildu zituzten (argazkian), eta suhiltzaile eta udaltzainek parte hartu zuten mobilizazioan. Mobilizazio jendetsuena Gasteizkoa izan zen: 950

pertsona elkartu ziren. Bilbon 500 eta Iruñean 100 izan ziren. Bilbon kriseilu erraldoi bat egin eta hura piztuta, inguruan bildu zen jendea. Tolosan ere kinkaren inguruan elkartu ziren 85 pertsona. Algortan 200, Zornotzan 105, Durangon 120 eta Igorren 135 elkartu ziren. Gipuzkoan, berriz, Hernanin, Azkoitian eta Azpeitian, 150na.

AAB-EN AURKAKO OPERAZIOA. Abokatuen helegitea atzera bota du

Garzonek ez du onartu abokatu bulegoen miaketa legez kanpokoa izan zela

Hamar abokatuak eginbide baterako deitu ditu epaileak asteartean

Erredakzioa | DONOSTIA

Baltasar Garzon Espainiako Auzitegi Nazionaleko epaileak atzera bota du hamar abokatu aurkeztutako helegitea. Jakina denez, urriaren 31n AABen eta Senideak-Gureak elkarrekin aurka eginiko polizi operazioan zenbait abokaturen bulegoetara sartu zen Espainiako Polizia. Hernanin bederatzi abokaturen lan tresnak eraman zituzten eta Iruñean batenak. Miaketa agindua AABen bulegoetarako zenez, abokatuak salaketa jarri zuten, miaketa legez kanpokoa zela esanez eta materiala itzultzeko eskatuz.

Garzonek atzo kaleratu zuen autoan atzera bota du abokatu helegitea eta bereari eutsi dio, hau da, miaketak legezkoak izan zirela dio. Epaileak emandako argudio nagusia da miatutako egoitzak AABenak direla; baina Hernaniko kasuan, behintzat, bi abokatu dira titularrak, AABek atzo adierazi zuten. «Miaketa autoa baliogabetzea

ISRAEL SANCHEZ / EFE
Baltasar Garzon epailea.

pentsaezina da, ez baita bulego profesionalik miatu baizik ETA-KAS-EKINen sartuta dagoen Amnistiaren Aldeko Batzordeen egoitza, itxura batean, abokatuak ere erabiltzen zuten», dio Garzonek autoan.

Egoitza AABena zela argudiatzeko Julen Zelaraiek giltza izatea aipatzen du. Zelaraiek lan egiten zuten egoitza, orde, beste bat dela oroitarazi zuten

AABek, eta Zelaraiek berak jakinarazi ziola Poliziari haiek abokatu bulegoak zirela.

Atxilotuetako batzuk Hernanin, miatutako egoitzan lan egiten zutela ere esan du Garzonek, baina aipatu dituen batzuk Gasteizen egiten dute lan.

Berriz deitu ditu abokatuak

Garzonek abokatuak ordenagailuak itzuli zituzten, baina haien edukia kopia ostean. Epaileak autoan dioenez, abokatuak euren ordenagailuen identifikazioari uko egiteak «ez du ekidin behar epaitegiak edukia ezagutzeko, interesatuak aukera izan arren, ez baitute euren materiala identifikatu nahi izan».

Hain zuzen, Garzonek beste ebazpen bat ere kaleratu zuen, hamar abokatuak asteartean Auzitegi Nazionalera deituz, materiala irekitzeko. Ainhoa Baglietto, Aitor Ibero, Zigor Reizabal, Amaia Izko, Ainhoa Erkizia, Jon Enparantza, Unai Errea, Julen Arzuaga, Iñigo El-koro eta Joseba Agudo dira.

LAGURAEAN

Etxebarría parkean zauritutako ertzainari senda agiria eman diote

Azaroaren 20an Bilboko Etxebarria parkean zauritutako ertzainari senda agiria eman zioten atzo, eta Basurto Ospitalea utzi zuen. Pankarta batean zegoen lehergailua zartatzean zauritu zen ertzaina, bere lankidearekin batera. Eskuineko begian zituen zaurietatik sendatzeko ebakuntza egin zioten ospitalean.

Eusko Legebiltzarrak babesa adierazi die EAEko epaileei

Eusko Legebiltzarrak lege besteko proposamena onartu zuen atzo. Bertan, EAEko epaile, magistratu eta fiskalei «babesa eta elkartasuna» adierazten zaie, «igarotzen ari diren une gogor haue-tan», eta beharrezkotzat jotzen dute beren lana «egoera normal» batean egitea. Proposamena talde guztien botoekin onartu zen, Batasuna izan ezik. Manuel Maria Zorrilla EAEko Justizia Auzitegi Nagusiko presidentearen ustez, Legebiltzarraren adierazpena «oso egokia» da.

Etorkizun politikoa eta indarkeria aztertu dute Arzalluzek eta Redondok

Xabier Arzalluz EAJko presidentek, Nicolas Redondo Terreros PSE-EEko idazkari nagusiak eta Txiki Benegas PSE-EEko presidentek etorkizun politikoa eta indarkeria aztertu zuten atzo, bazkari batean. Bi alderdietako ordezkarien jarreretan diferentziak segitzen dutela ondorioztatu zuten sozialisten iturriek. Joan zen larunbatean Beasainen izandako manifestazioan erabaki zuten bilerak egitea. Izan ere, hiru urte dira aipatu buruzagiak elkartzen ez zirela.

Eusko Legebiltzarreko kargua utzi du San Gilek, udal hauteskundeak prestatzeko

Gipuzkoako PPko presidentek Maria San Gilek legebiltzarkide kargua utzi zuen atzo, Donostiako Udaleko zinegotzi lanetan bete-betean aritzeko eta 2003an izango diren udal hauteskundeak prestatzeko. San Gilek utzitako aulkia Arantza Quiroga Oñatiko PPko zinegotziak beteko du.

BATASUNA

Dimisioa eman du Mungiako zinegotzi batek, «arrazoi pertsonalengatik»

Maidar del Olmo | BILBO

Mungiako Batasuneko zinegotzi Ramon Zabalak dimisioa eman zuen atzo, «arrazoi pertsonalak» argudiatuta, eta aho batez onartu zuen erabakia Udal Batzarrek.

Zinegotzi gisa jardundako zortzi urteen balorazioa egin zuen Zabalak, eta itxaropentsu agertu zen gatazkaren konponbidean, aurrerantzean ere lanean jarraitzeko prest. Era berean, inor baztertuko ez duen negoziazioaren aldeko jarrera erakutsi zuen, eta borondatea eskatu.

«Urte gogorrak eta aldi berean ilusionagarriak izan dira. Gogorrak, Frantziako eta Espainiako estatuek nazio bezala gure etorkizuna ukatzen digutela, areagotuz joan delako gatazka politikoa. Ilusiozkoak, bestalde, uste sendoa dudalako abertzale guztien elkarlanarekin lortu daitekeela gatazkaren adierazpen bortitz ezberdinen desagertzea ekarriko duen marko demokratiko eta nazionala», esan zuen.

Bestalde, Jose Antonio Torrontegi Mungiako alkate jeltzaleak, atzoko udal batzarren ostean, «azken egunotan herrian bizi dugun tentsioa amaitzeko desioa» agertu zuen. ETAk Mungiako Ana Isabel Arostegi ertzaina hil aurreko «egoera lasaira» itzultzeko nahia agertu zuen.

Batasunkide kanpaina abiatu dute, ezker abertzalea eratzeari begira

Eneko Bidegain | BAIONA

Batasunak «militante figura berri bat» abian ezarri du Batasunkidarekin. Euskal Herriko zazpi herrialdeetan batasunkideen biltzeko kanpaina hasi dira, Egoitz Urrutikoetxea mahai nazionalakideak atzo Baionan jakinarazi zuenez. «Maila ezberdineko militantzia» aipatu zuen. Batetik, «herri, eskualde edo lan batzorde ezberdinetan» parte hartzen dutenak; bertetik «mugimenduari ekarpen ekonomikoa egiten» dituenak; eta hirugarrenik, nolabaiteko atxikimendua dutenak izanen dira batasunkide. Batasunak «kidego aktibo bat» nahi du. Prozesu honen helburua Batasuneko kideek «informazio eta gogoeta zuzena ukaitea» da. Barne erreferendumak antolatuko ditu.